

續修四庫全書

《續修四庫全書》編纂委員會編

續修四庫全書

上海古籍出版社

一四八八・集部・別集類

天真閣集五十四卷外集六卷（天真閣集卷十一至外集卷六）〔清〕孫原湘撰……………一

茗柯文編五卷〔清〕張惠言撰……………四九三

茗柯文補編二卷 茗柯文外編二卷〔清〕張惠言撰……………五七一

鐵橋漫稿十三卷（卷一至卷四）〔清〕嚴可均撰……………六三一

昭文 孫尿管 子瀟

疆園大荒落

打春謠

和風一吹萬物喜春人笑出珠簾裏縣官行春過門前土牛顏色占豐年牛腹白夏雨秧田水三尺牛背黃秋風稻穀堆滿場人人打春爲春舞六街春毬亂如雨紅樓中人亦打春綵絲五色拋牛身打著頭百事遂打著尾百病退願春長駐花開輪願人顏色長如春安得遊絲縛住曙鳥足人與花俱受春福

客陽羨阮師署喜椒卿至

暫學郝生入幕賓喜逢張籍共昏晨交情最是同門契客况偏於對榻親天下文章宜少作江南佳麗在初春牧之水榭東坡

天真閣集卷十一

聖此願今人笑古人

花朝宜興署中

夢裏鶯啼散曉霞暖風著意透臙紗一簾綠漲穿城水十里紅迷繞郭花院靜有人還弄笛春濃無日不思家寄聲東瀉溪頭柳早晚先生欲放查

一枝筠管一枝簫清福偏從客裏消破曉靜聽花坼蕊嬾春如見女垂髫蝶捎西角鈴微動人背東風柳自搖卻憶去年今日事綠窗看翦豔紅綃

登樓眺銅官山色時城中玉蘭遍開

樓上簫聲樓下聞一城春氣蕩氤氳花光透屋多如雪山影連天欲化雲西汎漁歌空遠水東風燕子又斜曛買田爭似浮家好罨畫溪流一角分

客陽羨兩月遇校試不得出每飲輒醉戲示椒卿

春風習習絳帷紗同駐雲亭問字車青眼山看青眼客素心人對素心花遇銜杯似兒逃學盼撒簾如吏放衙閒殺畫眉京兆筆一爐香篆夢還家時椒卿新娶

將返琴川留題陽羨署壁

鵝州小佳又經旬繞郭烟波二月春我欲明朝挂帆去銅官山色解留人

繞隄楊柳萬絲垂臨去東風一笛吹空載滿船詩思返不曾攜得國山碑

更有張公小洞天隔湖空翠望如烟山靈應笑先生嬾只借官齋兩月眠

春日飲總宜山房醉後放歌

天真閣集卷十一

桃花杏花紅入城詩人逐花出郭行山家玉缸春酒熟酒香飛出牆頭迎入門二客先已醒子山叔也後來一飲三百觥玉蘭肥甘菊葉脆山翁勸客杯盡傾醉中絕纓忽大笑千巖萬壑皆春聲是時春山雲弄明白雲壓山山力爭一峯忽飛入雲去透出雲頂蓮花莖餘雲繚繞衆山腳欲涌山勢爭秋晴酒人觀之拂拂作酒氣胸中自有百萬春雲生何當一口噴作雨霏灑四野催春耕翁家多收百斛杭釀爲梨花春雨雨糟牀鳴供我日日醉倒不歸去寫盡山中烟雲變滅畫意兼詩情

贈方大子和

昨夜聞長笛梅花落復開東風吹不盡飛雪滿高臺明月懸歌扇滄溟瀉酒杯蘭亭王逸少正是莫春來方工書

春夜夢所思

夢入梅花裏清芬疑是君風前一橫笛飛雪已紛紛大地皆明
月中天只片雲相思與春水浩蕩白鷗羣

上巳日苦雨時子偁方病凌客子山輦俱赴鹿城無可
詣者愁臥而已

愁寂西窗莫雨天故人都在玉山巔一城花事空如錦三月寒
威尚折絲頻典春衣償酒券閒臨禊帖費詩箋憐余不是維摩
病也學垂楊起復眠

題畫蘭

幻色豈由夢真香疑是渠相逢洞庭浦曾襲水仙裾眾草根難
近羣花影不如儵然出塵筆苗裔本三閭

送張子和農部奉太夫人之京任

問君行何爲親年八旬一君曰是親志命以身許 國祿養古

朱真閣集卷十一

三

所重臣力兼子力慈躬尙輕健遄往須盡室季春風融和水驛
緩不疾有婦能調甘有孫善承色五月達京師六月供官職鼎
鍾獲所資盡瘁遄自恤從來忠孝理偏擊難兩得時清誠可爲
精白敢韜匿盤錯苟相待絕裾非失德須知曾閱徒易地皆禹
稷如徒尙祿養何以辨家食君爲司曹官致澤果何術上無懈
夙夜下且娛永日行矣無他言長途慎寧謚

儒官妾

有貴官見法愛妾改適廣文者爲作此篇

尙湖夾岸桃花路三月水嬉舟競渡傾城士女出城遊人影衣
香不知數中有纖長最麗姝湘波裁翦作輕裾星眸流轉通辭
語雲髻玲瓏入畫圖不是雪兒誇協律定應雷氏號尙書鄰舟
老嫗依稀識爲說桃花舊蹤迹吾邑金張孰最豪彭城兩代爲

方伯方伯髯鬚白面郎繡衣早震古閭疆錢傾東壁銅千尺綢
繫南山樹萬章白晝鳳窠雲作隊清宵妃帳玉成行爲紆行李
朝京邑更訪名花到故鄉城南有女桃花靨門外羣蝶多似蝶
不惜千金買柳枝便持雙槳迎桃葉夫婿金多爵更尊當筵愁
伺笑兼嗔性嚴可殺彈箏伎令肅常管勸酒人香屑踏來防有
蹟銷衾抱得偶承恩可憐空負如花貌曾侍花前幾度春春花
秋月匆匆改歡樂未終哀已待旌節纔聞移粵西檻車已報收
南海平時心計枉自工到此頭顱不能買少子荒區萬里行全
家破屋三楹在此時飄泊向誰邊此際神娥盡化烟蠶繭苦抽
孀婦縷鸞膠甘續別家絃聽說儒官頗風雅青瑣冷坐槐陰下
拾橡剛逢鄭老閒當壚來看文君寡相逢恨晚許相從金屋何
妨借泮宮合卺新陳盤苜蓿圍橋低隱水芙蓉縱教身染儒酸

朱真閣集卷十一

四

氣已勝名填籍沒中季倫果是風流子綠珠甘向樓頭死細骨
難邀百琲珠纖腰枉減三餐米猶憶倉黃被禁收自憐衫襖蒙
塵滓但看賓從散如雲那怪人情薄於紙卽今講席雀堪羅同
首油幢富貴多卻喜先生知愛玩不愁夫婿更風波絳紗帳裏
春常在青草墳邊客少過聞道夫人茅屋冷一盂麥飯淚滂沱
我聞老嫗低徊述說到傷心長太息哀樂何須豫自身盛衰自
古關人德回望斜陽掩靄中濛濛烟霧桃花溼

二蘭篇

有貴介子以十萬錢購素心蘭一本局諸高閣悶不與

人見蘭雖得所而有繫拘之慨

幽蘭如美人素心尤足貴叢生空谷中不爲衆情媚誰攜入城
市得遠蕭與艾輾轉入朱門供之玉堂內堂猶恐不密局置幽

閣邃危架以爲防重幕以爲衛春風豈不香不漏一室外主人
顏雖好恐非此花配亦有素心人而花不相對既失瀟灑理漸
覺色顛顛由來過高潔其性難自遂深藏縱所甘隱蔽心已累
何如湘江草采作騷人佩朝隨隴上吟夕伴燈前醉貴重不及
茲得所豈求備萬物各有遭蒼蒼肯易位

別有素心蘭一本爲賣藥家所得花時任人縱觀而豚

園鷄栖雜以麴蘖之氣殊不可耐

造物既汝妬盍令性不芳予之素心質託根宜瀟湘被以柔和
風濯以甘露漿幽人與爲伴听夕相徜徉胡落市人手錯列鷄
豚旁壅培匪不厚徒受汙泥障灌漑匪不勤詎有清泉涼位置
何所以瓦盆及糟牀陽春二三月開缸見浮梁酒徒來醺醺醉
氣蒸滿堂蘭亦挺深秀漪漪揚其香我時維其閒瞻睇心爲傷

天真閣集卷十一

五

翳彼蠕蠢姿對茲窈窕妝聲機本殊性習久還相忘始知物至
美遇合多鮮臧不見宿癩女赫赫當侯王

西郭邨舍觀牡丹先一日已翦盡

東風斜繫總宜船欸到柴扉色黯然欲洗雙眸看富貴豈知一
夕化神仙紅薔自占春無數綠葉偏逢客有緣卻笑紛紛蜂與
蝶疎籬閒就短枝眠

膺昭文武陵公之聘移榻官舍西爲聽事堂日聞篴管

東爲尉廨頗事笙管之樂喧聒之餘不自知心之忤

忤動也

萬象皆冥漠惟聲動人心萬聲若啞啞動人惟刑淫鄭聲必放
斥蕩佚孔所禁君子遠庖廚子輿垂其箴今我置耳處二聲交
相侵東院召絲竹清歌發花陰西廳列伍伯呼號儼棘林歌者

知是誰未必先施音聽之神怡怡如以冠挂簪號者知是誰未
必皆冤禽聽之心惻惻如荆棘與鍼樂者我逸志哀者我本忱
哀樂并一念仁與私欲參徘徊向歧路亡羊豈能尋臨河不自
返一墮重淵深古獄不妄聽先入須鈞金古樂不妄陳不徹惟
瑤琴載告良有司反覆觀此吟

三月晦日

晚風搖曳片雲停半似晴光半晦冥一院頓收香世界四天新
換綠圍屏蠶絲盡生無味蝶爲身閒夢不醒未了傷春還小
病垂簾細把落花聽

送春

黯黯輕烟漠漠絲絲無言手自把清卮不知送別宜何處恰是懷
人值此時江水欲流春夢去天涯又見夕陽遲青梅如豆花如

天真閣集卷十一

六

雪獨立蒼茫自詠詩

聞道

聞道維摩室親逢天女遊山花迎面笑澗水帶香流玉殿生秋
月銅壺失曉籌神仙行樂闕雲鎖洞門幽

神妃

春水響空山神妃浴雨還飛花隨繡帶隔竹露烟鬟客散青松
冷風清白宦閒惟餘雲一片偷送下人寰

醉歌行

醉醺撲雪糟牀鳴春風澹蕩吹人輕隔溪青山宛然笑此日不
飲空復情酒旗搖搖若相迎兒童指點老眼明玉壺滴滴紅珠
傾宛轉勸客枝頭鶯落花平地一尺厚醉來逕臥忘其形我聞
天上有酒星三百六十日醉倒雲冥冥天宮大索不可得卻來

人世呼醪安得糟邱爲五嶽春酒爲洞庭供我常醉春常青
醉鄉絕無寵辱驚醒時亦醉醉亦醒

題瀑布障子

青天下白龍倒挂碧芙蓉疑有雷霆響能搖溷壑松空濛失山
影清曠無人蹤祇覺虛堂裏秋烟生幾重

餞春詞和屈宛仙夫人二首

小閣玲瓏響玉環湘簾高捲綠雲閒坐鄰水竹都忘俗脩到神
仙只是閒誤拂落花衣上雨驚驚飛絮驚邊斑今朝倍覺斜陽
好天與尊前駐醉顏

酒行三匝更循環情語貪長片席閒纔到中年多感慨偶留小
疾轉清閒饌新食譜勞纖手絕妙文心見一斑莫怪留春春逕
去百花羞近玉人顏

風露茶

雨前猶後要明前摘取無瑕玉葉鮮不借人工風作主但離烟
火物皆仙浮來雪盃同秋水捧出雲漿豈洞天除是幽蘭心裏
液一般清氣得來偏

戲題子梁豔體詩後

薔薇濃滴露珠妍盟手來吟絕豔篇畫壁才人爭一日登牆祇
女已三年襲來芳氣春初動證到靈光月未圓水機深情誰比
得聰明除是藐姑仙

愁言

萬點飛花酒一尊不須沈醉已消魂春愁尙自殘年積舊事難
將好夢溫疑有樓臺橫碧落祇餘風月近黃昏輸他一縷紅絲
燕尋得深深似海門

白牡丹

瑤臺飛下佩丁東人世胭脂洗盡空披出神仙衣縹緲妝成池
館玉玲瓏一時富貴浮雲外三月繁華快雪中如此朝天眞國
色笑他沈醉倚春風

散書諸

少年置書不肯讀忽而仙袞忽僧服學仙學佛兩無成歸發奇
書五百篋四月綠陰吹滿山攤書正對綠一變開簾蛾眉宛然
笑山欲入座屋不閒屋上白雲拂窗過屋中古書塞窗破清晨
讀書不裹頭夜舍妻孥擁書臥忽然大笑笑仰天手散萬卷如
雲烟積書凝與積金等家無長物纔神仙埽卻蠹魚拋玉軸放
入山光補書屋客來若問舊藏書孝先自拍便便腹

太湖舟中

只有天圍住清光萬頃圓四無雲障礙一氣水澄鮮日映鷺皆
雪風吹帆欲仙蓮花波上立知是莫釐巔

端午日謁叅師吳江官署

使君前月始停驂佳氣葱蔥滿縣中芳草未除官案綠榴花爭
向印牀紅烹鮮自有羹臯手釀沴何煩艾虎功洵得此心成百
鍊一泓明鏡照垂虹

山塘雨中

畫船簫鼓淨如雲一片空濛綠津似膩土風誇競渡故將絲
雨散遊人雙隄水氣猶含酒五月花光不斷春放權獨夾還獨
往勝佗晴日輭紅塵

風木圖爲錢塘顧虹橋秀才磨微題

紙上悲風起孤兒一片心縱橫皆血淚點染作楓林攀柏王哀

感循咳東暫吟愁看庭下樹反哺有霜禽

我亦同孤露終天恨獨私裏尸惟有草輿輓竟無兒俯仰餘生
在劬勞慟哭遲對茲風雨色淒絕卷還時先大夫以乾隆五十二年從征巴勒布亡

余兄弟俱不獲侍側

晚霽佇月

雲欲弄晴天未肯灑然涼意佇瑤階掬來清水空盈手夢見前
宵似入懷纖影忽穿斜漢出近身還有小星偕花陰守到黃昏
近便得饒餬見亦佳

泛舟湖橋觀水上諸峯作

出郭見西山諸峯秀相接一峯一蓮花橫插青天入落影澄湖
中蓮花皆倒立蕩舟波震搖空翠碎難合層層雲中寺反向天
心壓惟有松濤聲湖流不能納清風破空來長嘯與之答仰視

青崔嵬猶疑浪痕溼

夏日同人遊小石洞分得綠字

山遊如行文所取輿而曲連峯秀無盡古洞作一束陰森變昏
旦涼燠遠世局激潭凜人心鑒影起膚粟俯疑秋氣深仰見夏
陰綠不知蒼蒼外自走驕陽酷此時熱中人襍穢方暑觸

雙仙歌

書中仙號茂漪詩中仙名婉兒一雙玉貌天人姿帝命來作人
閒師授我五色管一枝令我揮灑筆陣圖應詔昆明池昨宵寫
作大出奇從容奏進鋪丹堦玉皇霽顏王母笑賜我白玉蓮花
卮醉中起舞狂且癡左呼昭容爲我拂箋素右呼夫人爲我研
隄糜風驅雲涌電擊馳頃刻銀河漲墨都淋漓醒時悔懼輾轉
疑夢中醉態狂無知皎皎玉尺能量詩亭簪花獨冠時落紙

每恐爲佳期絳紗未必收義之公然竟敢設妄想屈作帳下雙

瓊姬急須懺悔向空拜幾乎空中鐵鞭鞭著蔡經背

夏至日竹橋丈招集似園子山詩先成卽次其韻

酒誥重德將賓筵戒側弁結交如飲醇豈在肴與饌入座先溫

溫謙若耕讓畔既分左右筵各從少長便躋我白髮叢西僧住

東院是日設兩筵東則松阿園公諸老輩西則子山諸君余獨居東之殿右繪洛社圖左設南皮

宴誰爲萬選錢首數蘭陵彥愧如沈郎鑄亦被劉守選不撤公

榮飲聊設穆生薦許事那用知且食蛤如蜺七種翰林壘八珍

大官饕烹調似文章老手妙點竄卻嗤世人愚設想多夢幻思

入護世城期噉胡麻飯何如眼前景燕飲樂且衍茲辰景風來

新荷碧筒卷旣欣羣賢集且感時物變雖苦小器盈敢拂巨觥

勸夕陽照筵前催促人影散歸乘舫輕倒著接羅岸明晨索

和詩怯敵手忙亂如將色爲喻我醜定勿遠竹橋和云明乞君戲謔其語詩好匪色好毋違

竹橋丈疊韻索和復呈此篇

似園卽眞園羣木聳如弁園花足清娛園菜足新饌前軒臨河
濱後閣枕田畔一二素心人拏舟往來便先生曠世才供奉祕
書院曾登蓬萊巔親侍瀛海宴蒼生仰斯人同列服英彥忽懷
邱園樂卻避棟梁選投簪慕疎賢脫繡謝雄薦秋風網鱸魚春
水撈蝦蜆十年林下身手自潔親饍世事如浮雲蒼狗忽奔竄
赫赫貂蟬榮紛紛蜃樓幻不聞清晨鐘肯醒黃梁飯或有賦歸
來亦復耽燕衍狂呼帽必欹痛飲席屢卷斯爲酒肉交未醉態
已變孰如茲堂中文酒各醇勸論園不必園花木轉清散牆根
老楊柳屈曲似臨岸曾見手植時今條已紛亂聚首能幾何相

親莫相遠

翁芝虞山圖

鵝溪絹長十八尺，盡虞山全面，碧八居城外，二城中遊蹤，首及巫咸宅，西爲致道觀，上有乾元宮，招真古碑，簡文撰至今，花帶蕭梁風，吾家山房，大石山房，吾族別業，更奇絕，一片苔花，繡如鐵，日月長從石上生，烟霞自補牆邊缺，春三月桃花，明人從翠微，穿出城，或呼舴艋，或欸段天然圖畫，由閒行，三橋楊柳，翠欲滴，士女如雲，看場塞，踏遍嚴公嚴文靖公墳，上青雙鬢，鬥殺春山色，山色尤奇，拂水巖飛泉，高挂珍珠簾，有人遙自青冥裏，倒坐籃輿下，洞天巖脚山莊，拂水巖，山莊廢已久，小楞伽，嚴叔堅別墅，更今無有遊人遊，只到山前，自謂看山，十得九，豈知西去山更青，一峯一態無定形，湖光倒吞山，矯矯山勢下，壓湖冥冥，有時烟雨變諸色。

矣真閣集卷十

十一

平奇濃淡山之靈，可惜畫工畫不到，轉北峯巒更奇妙，天開古洞，白雲中，尙父會傳一竿釣，何況北山山更深，蒼崖翠壁多叢林，譬如畫人只畫面，背影雖好誰撫臨，何時更買東絹，逕十丈盡寫嵯峨削劣之烟岑，寫成非作壁，閒玩寄與吾鄉熱官遊客紛傳看。

風潮

愁雨已三日，如何風更狂，庭流潛入戶，鄰樹忽排牆，街路空行屐，河橋礙小航，高鄉計猶可，最慮是低鄉，近夜風尤急，雨聲殊未休，奔騰天作海，震蕩屋如舟，暗覺房櫳漲，涼生枕簟秋，燈前且相守，笑慰老親憂。

雨霽

萬事天難料，新晴卽在今，花收辭樹淚，鵲定護巢心，修竹東鄰

失淹流北戶深，急須謀遠眺，四野幾升沈。

養病

炎風如炙透輕羅，偏是文園觸疾多，揣意何從邀郭玉，參禪誰爲伴，維摩平添酒債，兼詩債，難遣情魔，更睡魔，可惜藕花生，日日藥爐香裏枕書過。

張孝女

孝女名蘭枝，冬月母疾，以身熨母，割股肉以進，病益亟，女號哭氣結，死母尋愈，家人謂女籲天請代也，余爲作詩以明其志。

貼肉衾母母如紙，分封肉羹母母如水，分生是親生，分親生勝生，燐都梁，分籲穹蒼，分神渺茫，分性則愚，分計則迂，分人所嗤，分天聽卑，分匪天之能聽，分其志之自定，分乃其性，分而非命。

矣真閣集卷十

十二

吟

大雨後登桃原澗觀水兼眺田疇

昨宵銀河忽傾瀉，朝來羣峯失翠微，青天絕無片雲影，但見白龍天矯空中飛，懸崖直落勢千丈，巨石橫衝忽分兩，碎作大珠小珠滿澗跳，又被微風倒吹上，左盤右折古樹根，根與水激成雪痕，飛流到此作一曲，石巉路滑潛蛟奔，萬壑砰訇怒雷起，忽疑在天忽足底，松濤寂寂鳥不鳴，細聲并入大聲裏，是時炎官火繖張，我獨微雨霑衣裳，不知人世有炎暑，勝如赤腳快踏層冰涼，卻憶田家正作苦，高峯下見泥斥鹵，西北平原秧透齊，東南淹浸不可補，東西苦樂勢不同，歌聲哭聲來水中，哭莫悲歌莫喜，不見乾隆乙巳秋西北赤地數百里，萬事循環有如此。

企踰歌

健兒好身手彎弓肆馳突不敢仰射鵬恐墮青天月
太白當營門寒光射人面拂拭青海驄明朝恃爾戰
夜合陰山圍單騎入虎穴血飛紅如花刀飛白如雪
墮地爲男兒毛錐不能把手拓萬里邊功成令人寫

看劍

不舞已如此寒光四座驚陰風隨手發駭電繞眸生匣裏眠三尺身旁抵萬兵奇鋒世難用非獨爲昇平

六月菊

暑月疑逢青女神東籬寒豔忽翻新義皇以上陶元亮吏隱之間賀季真擔酒白衣應龍襪折腰烏帽暫風塵蓮花相見休相訝熱客場中有冷人

西瓜燈

雕青刻翠瑩如精仙手玲瓏妙削成剗出丹心偏照耀透來重膜尙聰明薄于形迹方知巧煖在中間始是情直認匏瓜星朗徹通宵抵得月華清

藕花歌和麀客丙辰歲作

亂紅插水水拂霞香清清遍邨人家遠山倒影不得入隔隄自透青蓮花船停花中風四面單船弱柳垂青綫空明一片綠玻璃無數紅妝鏡中見坐來忽疑不是船此身已在銀河天天孫手織雲錦段被風吹作花如烟何人折花聲脆絕雙鬟嬌慙小童劣主人惜花又愛花手把亭亭不能說酒酣脫幘興愈多手掬珠露飏青荷蜻蜓翅輕蛺蝶小有福占此生香窩何時化身花上坐舌底生蓮隨咳唾不然飏身學水仙竟擁紅衾抱花臥年年水雲六月涼華滙十里九里香今年盛夏大風雨傾下萬

斜天瓢漿讀君此歌我愁起回憶去年如夢裏火雲燒空天不秋零落紅衣一池水

友人召觀女樂

三千楊柳蕩春風十萬桃花壓水紅我是秦樓舊簫史人間箏笛洗都空

孟秋五日夜夢短衣荷戈作從軍狀得詩云云醒後忘其五六爲足成之

出門離別思都被酒消除箭鏑星皆落刀光雪不如掃氛清海甸洗血挽天渠敢笑書生懦平生祇讀書

夜登西嶺望月

足底松搖萬壑風九霄雲散月當空露華直洗聰明透秋氣能疏骨節通身世忽移瑤島外性靈都放玉壺中下方仰首知何限恐有輕烟薄霧籠

七月十七夜

秦楚皆氛祲乾坤自秀靈東南幸安枕秋氣滿空庭轉饒千車接屯關萬馬停何時偃戈甲把酒看天星

屋角漏斜月不知宵已深一杯同白露萬戶未清砧老大空搔首安危仗此心屠沽有奇士梁甫若爲吟

孟蘭盆會歌

旋風卷葉半空泣燭花冷閃青燐燭百萬愁冤暗裏來土氣撲人人卻立老僧身披紅袈裟手撒白米成丹砂梵音歸蠻語如鳥生人不知死人曉導冤靈旛六尺長寬左寬右無定方饑辱餒腹性猶在瓦盆嗅著蘭羞香夜半眾聲嘯如雨維遯紛爭爾汝語相依豈必子孫家予子殘冤只依楮衆中一聲知鬼雄萬

聲辟易趨下風獨吞香米恣一飽餘屑滿地分者少臺高月黑
星斗橫召以法鼓退以鈴紙衣露溼重於鐵金銀墮地虛無聲
此時狐狸竄荒穴頭戴鬬髀口白骨

佛手露

金果熬成玉液新妙香濃滴露珠勻似分楊柳餅中水合供蓮
花座上身即潤欲流仙指掌清虛猶貯佛精神兜羅繇手晨親
浣絕勝薔薇一種春

畫梅一幅附以水仙蘭花

姑射冰羅浮月月為覓冰作骨塵之益整霜之益貞水仙其性
湘蘭其情國色色無雙國士士無對眾香雖氤氲吐絳絳灌輩

呂節婦操

常州呂廷萊妻也結褵兩月而寡事舅姑孝撫姪為

夫真閣集卷十一

子今有聲庠序矣有司旣旌其門余為絃其事以俟

采風者

呂節婦系蘭陵頭上著纓几上儷皮元纁云字河東呂廷萊解
寒脩入門謂來請期匪來請期來告呂氏子病旦夕不可為解
父母踟躕謂且改吉親戚諷諭恐非子匹解載告父母心已許
作呂家婦兒命有嘉耦自得偕老白首解脫纓入房纁并上堂
舅姑憂且喜喜者婦憂者子解朝視湯藥莫視湯藥為新婦兩
月衾席不得著夫執婦手執手斷腸汝欲亡汝不得亡汝視
堂上髮如霜汝稱未亡未亡人歡顏上堂酒如飴肉如糜堂
上嘻嘻不知無膝下兒解未亡人滴淚下堂黃口是吾姪黃口
是吾兒父邪師邪身兼之解九昔日黃口兒今日膠庠士為子婦
抱子子寧知母也椎心飲泣三十祀解大吏入告 帝曰嘉

汝節錫之綽楔為女宗式解十一繡帔章身珠冠耀首鄉鄰來觀
云是呂家兩月新婦解十二

張甥伯溫隨父入都中道奉母喪歸兼遭妻喪以兩棺

停西郊子身北去詩以送之

叔治思親感安仁悼婦情重哀關至性並遵惜吾甥枯淚餘鄉
土羸軀更遠行難將珍重意說與寢苦生
別去寧無恨雙棺野外存敢云遲兆域惟是念晨昏已曠嚴君
省兼懷大母恩荒祠風雨夜淒絕望兒覓

題張孝女徵詩冊後

生死如堪代從來理所無鬼神殊杳渺見女本迂愚至性憂成
疾勞軀急則姐如云籲天請真孝反教誣

九日登破腹寺

夫真閣集卷十一

秋爽高無極蒼然橫北峯雲中有雞犬天際若芙蓉暴雨將花
氣疏林落翠濃仙人渺何處樓閣自重重
飲盡一盃酒亂山多夕陽出門看紫翠雲樹極蒼蒼天半落人
影空中生佛香樵夫不相識相答浩歌長

月華歌

紅如陸渾山上燭綠如瀟湘水一片翠如羽白如練黃如黃金
紫如電頃刻續紛百千變多是常娥鏡中見常娥之鏡體本虛
鏡臺遙對樽桑株氤氳摩盪氣有餘陰精為炭輪為爐中間老
兔弄光怪飽吸陽精日為憊吐氣一似重輪圓山河變作金世
界偷傳玉皇五色筆召取海內百寶充其窟海水消龍王朝龍
母貢明珠龍女捧蛟綃龍子後至鞭其驕寶光直上千雲霄常
娥高高佳虛空碎搗七寶脩其宮大徵女媧所煉補天石更索

黃帝自鑄昆吾銅脩成八萬四千戶戶多用天孫雲錦爲屏
風此時金鳥臥滄海青天飈教太陰宰羣陰相輔陰有權月御
纖阿亦生彩三十六天眩若旋二十八宿驚無顏脩羅藥叉識
寶氣各各交戰爭其間世人眼花不識月華大呼出看月華驚
散月非禁人識其寶要人仰視須悄悄

左蘿石菊花橫卷

一叢色深一叢淺忽而隱藏忽而顯直把淵明一片心寫作縱
橫大長卷直如此腰不可折曲如北窗枕暇巡數枝離披不收
拾尤似東籬醉時節九月十月天降霜霜中習習生寒香能將
勁節拗天地不與百卉同披猖我聞疾風知勁草此花堅貞尤
所少蘇武能禁齧雪寒文山自願黃冠老豈是尋常隱逸人還
須畱作忠臣豪

天真閣集卷十一

十七

送人之甘肅

十月臨洮道無風雪滿山一杯從此別西極玉門關楊柳羌人
笛燕支少婦顏送君秋色裏惟有暮雲還

題陶廣文集

十年枉識陶君面祇道東籬一酒狂今日把君詩在手西風吹
過菊花香

蕊宮花史曲

我昨遊戲蓬萊宮繁花亂插天玲瓏中有風裳水佩仙人蹤
翾翾選如游龍或折絳雪來芳叢或采元芝出波中或攜膽甌
或筠籠或揮宣毫或絲桐或書或酒或畫卷或坐或倚或舞如
旋風我亦五色眯兩瞳鬱氣震蕩心忡忡欲往從之不可從江
清海碧天橫空上帝忽遣玉局翁手持綠字芝泥封謂我前身

上清童筆能生花奪天工宜領花史職住此東海東賜我錦洞
天白玉爲垣墉錫我金頂帳密密天孫縫命我總司一十二司
事羣雌中立一霍雄臣拜稽首謝鴻濛請宣衆職某某供帝曰
疇司梅僉以梅妃充曰咨汝采蘋愛梅汝情鍾宜代壽陽職上
居羅浮峯蘋拜稽首讓道蘊帝曰汝往毋謙汝道蘊國色國
香付汝躬汝家庭多蘭熟悉灌漑功蘊拜稽首讓之潘楊暨蘇
蕙帝曰往哉惟汝庸號國汝素面本似梨花容玉環汝新妝領
此一搦紅汝潘居環榴錦窠最繁穠夷光越溪女命汝主芙蓉
蕙也回文實思婦汝主秋色牆陰濃疇典金粟藏麗華名與婦
娥同疇掌黃金英佩蘭手泛寒香醴疇司拒霜僉曰花藥可汝
權成都代臨卽讓于袁甄帝不許錦城管領秋重重司花汝寶
兒奇種不易逢權領都勝補子月絕勝迎輦來高嵩水仙姚女
花洛浦波溶溶惟汝甄后宜職掌以殿春夏秋及冬咨汝一十
有二司乘除代謝環無窮指揮悉聽花史令予嘉汝績罰汝慵
汝花史乘御史驄往監羣司明以聰掃除蠹蠅及奔蜂護之金
鈴與珠櫳情波爲雨露意土爲培壅四時調養風雨融芳信阻
遏汝則通汝能憐惜契予哀加汝衆香國裏溫柔公

有諷余詩側豔者書此以答

偶然觸手便生春波上桃花鏡裏身兩戒未能空色相萬緣方
悔誤因循陳思洛浦原如夢宋玉高唐只是神誰把南華顛倒
讀彊呼秋水作佳人
圓轉清吟似佩環風情昌谷玉溪間題成隱語何曾隱賦到閒
情不是閒藕縱有心難改節竹如無恨豈生斑采唐折杞分明
在畱待人閒祭酒刪

石屋觀楓絕句

開到黃花事事終送秋連日雨兼風濃霜卻似還丹藥駐得衰顏老更紅

淺絳深丹夾翠巒西山紅潤北山乾若教剗卻青蓮朵而面桃花更大觀

逕策紅藤上翠微四山秋埽綠陰圍卻餘幾片天孫銷盤古當年作舞衣

秋去人間纔幾日藤蘿青影也都無此中不改霜前色只有蒼松一兩株

卻憶洞庭秋草黃楚天雲樹極蒼蒼漢皋木落人何處腥血殷紅繡戰場

此間神女散天葩不是尋常二月花身坐白雲中倒聽萬山秋

響赤城霞

天真閣集卷十一

十九

十里山容豔入城湖光蕩漾銷分明冬來慢說山如睡纔醉時還夢未成

石屋天開雲半間樓臺多挂繡幢殷世間無此天然畫小亭將軍著色山

吾谷丹楓世所推西川高士手親栽今日亂紅凋落盡夕陽影裏墓門開

小舟如葉任風吹坐愛霜林返櫂遲如此清遊能有幾江南終是太平時

壽叔母

采采芙蓉花貞能拒霜持以娛從母花露清而香十月小陽春柔風布洋洋鞠臙獻卮酒願母樂以康母顏滋慘戚欲言淚

承暉十七結衿襦十八拆鸞皇下無黃口兒上有慈姑嫜愛媳

如愛女饑飢而寒裳病軀失晨昏慈心爲傍徨負負三十年覆

育周且詳未亡何所戀所戀姑恩長自從慈怙隔十載摧肝腸

豈無餌與養不得姑先嘗亦有絲與帛不爲姑身喪坤仁報何

日永負泉臺望猶憶五十時汝爲我稱慶先爲祖母壽跪晉瑤

花觴慈顏悅而和我謹侍其旁今日猶此觴今日猶此堂獨少

白髮人笑眠斑衣行有酒那忍飲飲亦徒摧傷聞言悚然退至

孝必壽藏古人慕終身母庶無慙惶豈徒黃鵠操足垂家乘光

寒夜招子侶敲菜

山廚翠玉滿筠筐恰喜開缸冽酒嘗四野民居無此色八珍官

饌遜其香恩叨地主終年力味賴天公幾日霜百事可爲惟我

爾敲根休惜引杯長

牂柯悼玉歌

天真閣集卷十一

干

和蔣侯廟宣作也侯令元和愛徐郎名玉者出入必

偕奉使滇南攜至牂柯郡以不習水土死侯哀思不

置爲作是歌屬好事者和之

春花不落日以稿美人不死日以老與爲愛弛彌子瑕寧爲看

殺衛叔實徐郎玉貌復玉名璫璫聲價輕連城蔣侯抱之若拱

璧不羨弄玉兼飛瓊一朝墮地玉光碎相如失色卞和淚不合

攜花徼外來可憐人命瑤璫肥萬里牂柯水鳴咽青天玉化蒼

烟滅一曲哀絃唱未終兩鬢蕭騷白如雪我道郎眞了死生蚤

拚埋玉博深情他時玉貌鬢髮有未必如斯切念卿

王郎印章歌

王郎十三識奇字十四奏刀工筆勢十五能摹秦漢文屈鐵爲

豪任所使青田壽山昌化紅方圓小大各不同時窗颯颯風雨
響頃刻漢玉兼秦銅自然變化合古法不肯媚媚參俗工三橋
雪漁赴腕下興到欲掩王山農或疑郎巧是誰使郎曰吾師樺
仙子儒子樺仙但工作小篆平生不解雕蟲技郎時停車問偏
旁樺仙教之滂與喜遂從筆法悟刀法其實郎竟無師耳嗚呼
無師之智能過人雖曰小技通乎神與之角者奪其齒十五技
精十五死死可不死賴有此生十五年死百祀世有楊王姜趙
好古徒得郎一石如一珠人生妄學屠龍技老大無能愧此矣
邵君慈立尊人水部公以豪華見稱與先太守爲中表
雅相善也水部公歿君方在襁褓家遂落稍長寄食
四方今冬從枯蒼歸投詩見贈奉答二首
有客歸從十洞天新詩投我剡溪箋家如東野窮逾妙人似西

華瘦可憐明月光寒珠在水梅花香凍鶴橫天好攜蠟屐清遊
去笑覓洪崖共拍肩

卻憶烟雲卅載前郎官丰采紫裘鮮歌殘碧玉空如夢手散黃
金立證仙世業種瓜無隙地交情累葉有深緣五陵衣馬翩翩
甚只守南山水碓田

竹橋丈惠書閒情賦聯句奉謝

先生筆有神湘原能斂亦能放縱若春空雲蘭卓如秋插嶂
眞行各體裁湘原大小悉心匠尤工二王法蘭頗近八分樣爲余
書閒情湘原出手比珍貺千字千明珠蘭六幅六銷障行行閒疎
密湘原筆筆分背向老樹無醜枝蘭簪花得妍狀義獻寬若追
劉石梁湘原手可抗紛求勝鐵門蘭秘弄宜寶藏石經苦傳觀湘原
清閣聊供張銀箋珠露垂湘原粉壁墨雲漲滿堂爭色動陋室湘原

頓神王終須避燥溼蘭行且別裝潢千秋大令帖湘原四海蓺林
尙烏金揚旆湘原既多蘭玉版刻無恙一旦先生書湘原竟思出其上正
如陳思賦湘原文采喜跌宕自從閒情出湘原遂使洛神讓妙文得
妙書湘原妙絕古今曠兩美合有時湘原二妙并允創豈惟詩似陶
蘭行誼亦相望屋中五男趨湘原門前五柳颺四十早休官蘭又
一陶元亮湘原

寒夜卽事效劍南體

卻下重簾未展衾爐灰撥盡漏沈沈書將子課如親讀詩共妻
聯勝獨吟梅影自移燈易置茶香聊當酒頻斟寒宵氣味清于
水只有涼蟾似此心

贈葉莪生從事

安得隱湖水春來盡綠醺與君長夜飲但醉不須醒百里蘇臺

月相思夢杳冥東風吾語汝莫放柳條青時君將入京洛

族兄錫爾于嘉慶初元客遊羅山時值楚匪延擾客心

不能無恐越明年得疾卒詩以哭之

隔歲我歸君北去片帆遙送入中州正逢小醜縱橫日偏作孤
蹤汗漫遊初客未嫻南事警屢驅寧耐北邙秋早知旅櫬成漂
泊只合茅亭守白頭

謁盧忠烈公祠

鉅鹿城南甲光黑督師單騎揮刀入左軍挽馬勒公出瞋目大
呼逃不得不患不生患不死不死疆場死西市身被數創集四
矢手殺百人猶不止與五千人同日死五千人者皆餓卒不戰
亦歿戰亦歿是時中官擁重兵距公死無百里程明朝公屍橫
血海屍上伏屍楊陸凱二十四箭叢叢在守臣驗屍屍誰耶一

卒獨指衷衣麻抱屍起哭真盧爺公昔殺賊數十陣蹋陣雄呼
無不勝賊人膽落盧拌命一從奉詔赴勒王內格輔臣楊嗣昌
輔臣主和臣主戰臣讀張巡岳飛傳何人不戰不奔喪便合身
膏尚方劍奈何不許公殺賊又不許公善應敵敵既三重圍賈
莊賊延秦晉及鄭襄明乎胡不亡明亡雖則由天意公亡
實出樞璫計我欲鐵鑄起潛與嗣昌長跪吾公廟祀旁

胥燕亭大令 繩武 鳳臺人罷官西江客遊江左往來松

陵陽羨間有終焉之志作杏花春雨圖屬題其意

君今不樂更折腰拂衣徑鼓雙蘭橈東風拍拍向何處遙指紅
欄四百橋一重樓臺一重樹葉葉枝枝吐香霧不識黃塵但識
花人生只合江南住江南二月春可憐細雨溼衣紅滿肩故鄉
雖好不歸去有夢只落開鷗邊珍珠絡繹珊瑚轡輸此笠屐偏

夫真閣集卷十一

三十一

儵然我亦澹蕩人與爾春風顛一蓑同載烏篷船萬事不理如
雲烟君今欲買陽羨田急須了此青山緣慎莫孤負初春天不
見肘繫黃金官將相日望江南在天上

燕亭客任城時愛歌兒佛喜及來江南劉君六橋寫其

妹四喜小影寄贈時佛喜已嫁儉父燕亭作生祭文

弔之屬余題後

輦婆一曲暗消冤司馬青衫溼淚痕可惜虎頭工點筆卻遺桃

葉寫桃根

天涯淪落見何時生祭文成兩鬢絲恰似悼亡唐後主為伊尋

葉又牽枝

西菴同椒卿作

一逕踏殘葉白雲為四鄰年深三古佛歲暮兩閒人梅萼常含

雪松心不破春未須尋拂子吾意自無塵

晉平西將軍周處袍笏慕 在宜興

蛟不可使為龍虎不可使為麟人不幸類蛟與虎生為人患人
非人長橋湯湯蛟血赤南山蕩蕩虎無蹟一患能使二患除此
一患者能讀書為龍為麟惟我耳英雄變化物不如易全文武
才難全忠孝遇策馬觀西戎安能北堂顧五千當七萬卒一
人提戈入深穴仰天一呼眾士奮一萬頭顱落如葉前軍已盡
後軍絕左右兩軍竟不接彤乎彤乎爾喪師大臣殉國吾何辭
孤墳我義士高築以笏當骨袍當肉常時父老爭怨嗟此日鄉
人競尸祝將軍學道儒者流將軍為國忘私仇不然手挺丈八
矛何難竟取梁王頭不見斬蛟如斬蛇射虎如射牛

歲莫陽羨雜詩

夫真閣集卷十一

三十二

銅官山色最相思放櫂重來歲晏時阮藉未歸韓偓去辦香獨

拜大蘇祠 時阮師奉調赴省韓旭亭都講已歸吳門大蘇祠在蜀山書院東偏

消息驚傳自隔江人閒竟失魯靈光天教海內龍門閉纔死弁

山又小倉 燕亭自維揚來知隨園先生于十一月十七日已歸道山弁山謂秋帆尚書

護花新句達郵籤不避延年郡將嚴今日萬人同一哭獨應胡

廣為掀髯 時方傳誦隨園嘲毗陵太守妓禁詩有罵賊當年毛惜惜絕勝胡廣號中庸之句

晝畫溪流冷不香祇餘顏頰幾垂楊桃花從此依崔護無復天

台賺阮郎 小史慶兒役陽羨署有年今夏為吳江崔少府切去

欵到禪扉夕照遲松閒啜茗更看詩阿難年少工微笑便作拈

花大導師 西菴僧買一年十九主席已四載壁間有韓旭亭贈詩

茅籬土舍幾家同幾箇雞皮雀髮翁單為美人名字好賺人閒

踏夕陽紅 美人巷在東倉右側

小紅一樹不知名老去爰絲尙有情我是街西狂小杜看花雙
眼最分明曲中某會爲隨園所賞寄阮師札云只此一校可當老夫霧中之看

章江舊令最風標詞客張姜話共邀捉得謝元香玉麝費他官

燭兩三條與晉燕亭姜易齋張椒卿夜話燕亭舊官西江

雙鳧去日萬民傳父老排門肅餞筵祇覺此閒風俗好教人忘

是長官賢時阮師調任武進臨行焚香設酒者接席于道

布帆臨別且遲開未必重遊第七回照影東西雙汎水蘇來

後我曾來自乙卯至今遊蹤六度矣此番未卜重來書此誌感

雪夜同內子

萬籟一時寂暗窗疑月生頓添肌綽約倍覺語聰明冷澹光尤

豔鴻濛氣轉清梅花三兩點已漏早春情

小除夕前一日有持文待詔書丁巳除夕詩求售於吳

天真閣集卷十一

五

竹橋丈衰池雅潔以兩緡錢易之持以見示詩曰易

卻桃符拂卻塵窮愁殘病總更新三彭漫守庚中夜

萬事重迎戊午春狼籍杯盤聊復醉盡情燈火笑相

親孫曾次第前稱脫一字非壽則賀慙媿承平白髮人按明

史文苑傳待詔以嘉靖三十八年卒壽九十丁巳爲

嘉靖三十六年八十八矣而精神意氣于字裏行間

猶可想見今歲適次丁巳上距嘉靖丁巳二百四十

一年因次其韻以紀翰墨勝緣又按待詔長子彭彭

子元發元發子震孟見文肅本傳及朱檢討曝書亭

集文處士點墓志詩中言孫曾次第則文肅是時已

露頭角一門數傳文采氣節皆不可磨滅然則是幘

之令人想慕者微特詩與字已也

仙館停雲化劫塵流傳翰墨尙如新文孫已見庚寅降易代重
逢戊午春眞迹于今歸勝賞忠臣自古有賢親滄桑二百餘年
事幾箇人閒不朽人

天真閣集卷十一

十六

天真閣集卷十一終

天真閣集卷十二

詩十二

昭文 孫原湘 子瀟

著雅敦牂

元旦雨

一壺煙鎖少人過，惟見紅箋遞翠蘿。溼土融春催物醒，暖風噓氣入詩和。東南自喜年豐屢，楚蜀猶聞夜警多。願賜甘霖三日，遍普天兵甲洗銀河。

春雪

西風一夜響疏櫺，潑水含裊夢易醒。起坐月迎人面白，開門山失佛頭青。神仙忽見瑤宮闕，卉木都含玉性靈。似惜梅花太清瘦，畧添肥豔更娉婷。

人日偕凌客過鄰洋閣將淪茗治具矣主人忽爲夫已

天真閣集卷十二

氏邀去偶詣子侃欣然設酒斫鱸，談宴極歡同探梅城西作。

爲訪春晴先訪友，東家就食忽西家。慢嗤燒鵠承謔，謬恰烹鱸辦咄嗟。世上萬緣如此日，尊前一醉借梅花。靈風吹我詩情動，踏溼何辭趁月斜。

子梁招宴鄰洋閣食單奇雋羹有玉璽玉糝記問漿有

雲英沆瀣天花粥，有水芝蓬萊蜜合酪。有八丹雪乳湯有鳳髓盃肺玉燕雪卵一杏二薑三廿四鹽，諸名皆宛仙夫人手製也。充腹之餘，銘肌載切，謹賦詩陳謝。

何曾萬錢水陸窮，文昌百婢烹調工。君家食單更奇絕，一洗萬古珍羞空。不茗亦不醴，不箸亦不觴。先以五花露滌去俗肺腸。

須臾芳馨騰滿案，仙瓢各沍天廚漿。味不一，味名香不一，香擅斟酌甫得之，欲語忽又變。主人大笑無他奇，只費千鍾兼百鍊。渣滓悉去精華存，咀嚼無勞但吞嚙。如蜂釀蜜采百花，成蜜卻無花一片。始悟來時玉杵聲，瑤漿細擣煩雲英。蔡經何敢望鳥爪，彭鏗竟許斟雉羹。仙乎仙乎不可名，絕非人間煙火能調烹。醍醐灌頂身自化，沆瀣濯魄神俱清。卻憶頻年宴此屋，一回一變無重複。恰似文章妙手成，不留一字陳言熟。主人夫婦俱工詩，夫人清新尤我師。平時熟精文選理，下筆一氣能空之。卽將此法製食譜，廚爨竈妾烏能知。吾儕口福苦淺薄，謹謝蘭羞換藜藿。寧折平生祿，食簿絕勝孤進還。丹藥夫人報語曰：不然，憫爾凡質，求詩仙特將一點文心，妙暗託調和五味傳。

元夕

天真閣集卷十二

只有青天不染塵，新年月色洗如新。美人爭踏星橋夜，陋巷都開火樹春。花氣獨教孤客領，詩情偏共一燈親。喫羹煮飯成何事，冷惜風前小病身。

赴暨陽舟夜

孤櫂發清響，短蘆沿岸隈。魚跳知水煖，犬吠覺邨來。靜月窺詩夢，行雲入酒杯。暗香何處動，前路野梅開。

自暨陽至毘陵百六十里夜半發櫂清晨已達城下

暨陽城頭打四更，清晨已見九龍迎。東風如箭吹船急，終夜不聞搖櫂聲。

阻風遇雪

殘月白紛紛，推篷不是雲。五更寒出夢，一夜靜無聞。清氣舒龍嘯，孤舟入鷺羣。前邨老梅樹，昨日正思君。